

第一冊

國外遊記彙刊

上海中華書局印行

五

時余

國外遊記彙刊目錄

卷之一 亞洲 日本

有馬遊記

日本鎌倉漫遊紀事

日光遊記

箱根熱海遊記

京都奈良遊覽記

遊日本五浦記

彌陀窟記

觀日本不知火記

卷之二 亞洲 日本

富士登峯記

乙巳東遊日記

日本觀察談

卷之三 亞洲 日本附朝鮮

國外遊記彙刊 目錄

日鮮旅行記

旅行日韓日記

遊朝鮮雜記

高麗近狀

卷之四 亞洲 日本附臺灣

臺灣遊記

遊臺北府記

臺灣遊記

卷之五 亞洲 西卑利（俄屬）

海參崴旅居記

俄游雜憶（西卑利亞境內）

西卑利亞之今昔觀

卷之六 亞洲

中亞細亞
暹羅
印度（英屬）
土耳其

中亞細亞探檢記（中亞細亞）

喜馬拉雅西鄰之觀測（印度）

英領印度旅行談（印度）

暹羅風俗談(暹羅)

伊魯的斯宮遊記(土耳其)

卷之七 亞洲 南洋羣島

馬來半島遊記

星洲概況

南游錄(新嘉坡及爪哇)

爪哇旅行談

安汶州調查記

珍沙埠華僑之狀況

亞羅亞羣島誌

卷之八 亞洲 南洋羣島

旅行菲律賓見聞錄

小呂宋游記

菲律賓百震亨瀑布記

卷之九 亞洲 南洋羣島

考察菲律賓教育記(節錄)

菲律賓遊程日記 菲律賓概論 菲律賓教

育行政 菲律賓師範及小學教育 菲律賓

之職業教育 菲律賓大學 菲律賓體育

參觀所及各機關 華僑狀況 說菲旗

遊柏杓山記

卷之十 大洋洲

紀薩摩亞羣島(舊屬德今歸新西蘭管理)

卷之十一 歐洲 英吉利

英倫遊記

Easter Holidays 遊記

卷之十二 歐洲 法蘭西

在法國暑假旅行的雜記

巴黎旅行

卷之十三 歐洲 德意志

密興牛日記

德國旅行記

卷之十四 歐洲

匈牙利

捷克斯洛伐克
瑞典 挪威

匈牙利遊記(匈牙利)

波蘭遊記(匈牙利)

伯弟遊記(捷克斯洛伐克)

丹麥森林觀察談(丹麥)

北歐志異(瑞典及挪威)

卷之十五 歐洲 俄羅斯

遊俄通信

俄國旅程瑣記

附錄秋白自赤塔至莫斯科的見聞記

卷之十六 歐洲 意大利

遊羅馬教王宮觀名畫記

卷之十七 歐洲 巴爾幹半島

塞爾維亞觀(現合併爲南斯拉夫國)

希臘遊記(羅馬尼亞)

卷之十八 歐洲 瑞士

瑞士境內阿爾卑斯山記

瑞士遊記

瑞士紀勝

遊日來弗逃略

瑞士縱覽記

日來弗考察談

卷之十九 非洲

摩洛哥遊記

南非洲加勒哈利旅行記略

卷之二十 北美洲 美利堅

旅北美林峯日記

華盛頓七日記

遊美京華盛頓記

丙辰西美遊記

卷之二十一 北美洲 美利堅

國外遊記彙刊 目錄

遊美國意大利湖遊納格拉觀瀑布記

美國風俗趣談

紐約見聞

合衆國漫遊記

美國遊記

遊美國塔虎脫農場記

檀香山觀察記

卷之二十二 北美洲 加拿大

加拿大北部遊記

遊巴拿馬運河記

羅斯福遊歷南美記略

卷之二十三 南冰洋 北冰洋

南極探險記

北冰洋探險記

卷之二十四 長途

步行遊歷全歐記

四

舊金山 檀香山 長崎 神戶 海參崴

西卑利亞 德意志 比利時 法蘭西 西

班牙 摩洛哥 非洲北部 澳洲中部 爪

哇 婆羅洲 新加坡 廣州 福州 上海

環遊世界紀略

中國 日本 俄羅斯 瑞典 挪威 丹麥

德意志 奧地利 匈牙利 意大利

瑞士 法蘭西 英吉利 比利時 德意志

西班牙 葡萄牙 巴西 阿拉圭 阿根廷

廷 智利 美利堅 中國

亞歐橫斷記

北京 西伯利亞 柏林 大西洋 華盛頓

卷之二十五 長途

歐遊小說

〔譯〕勃令地齊（意大利南方一島）

環大陸遊記

自美利堅英吉利至荷蘭比利時法蘭西

西班牙

葡萄牙

其波拉路泰路之天險

摩兒斯兒孫之圖

北亞非利加

地中海之武士島

自意大利至德國

大羅馬尼亞沿岸之勝景

黑山王國

奧匈國之新領州

巴爾幹之二邦

土耳其

埃及

蘇丹

戈登與蘇丹

國外遊記彙刊 目錄

埃及與蘇丹

印度

馬來半島

蘭領瓜哇

從上海經過法國到倫敦

北京—柏林

赴法日記

滿洲里 巴黎

卷之二十六 長途

遊美管見錄

上海 波士頓

遊美隨筆

上海 舊金山

遊美紀程

上海 神戶 東京 堤倉 橫濱 舊金山

太平洋海程記

國外遊記彙刊 目錄

上海 卜技利

渡太平洋記

上海 舊金山

卷之二十七 長途

南游日記

上海 婆羅洲山口洋

南洋蠻界探險實記

新加坡 檳榔嶼 蘇門答臘 緬甸 印度

俾路芝

卷之二十八 長途

夏期歐洲旅行記

德比 荷 瑞士

國外遊記彙刊卷之一

日本遊記

有馬遊記

廉南湖

有馬隸攝津國。爲日本消夏之勝區。距神戶市約六里。
(日本里)距大阪市約十三里半。人口一千七百餘。百
貨具足。頗極繁華。人家據崖以居。層層櫛比。如在圖畫
中。其溫泉在武庫山西北湯山町。自古馳名。四方遊客
不遠千里。來此就浴。相傳可療百病。若有神效者。非醫
藥所能及。浴場仿日本古代宮殿之式。爲明治二十四
年所改築。更有炭酸水。清冽可飲。其發源處。範圍爲井
形。終日噴薄。以亭覆之。是曰靈泉。其地氣候中和。夏可
避暑。冬不畏寒。富豪之構別墅於此者。所在都有。不知
秋風起時。紅葉滿山。與夕陽相映。其動人吟興。又當何
如。有馬之景。曰鼓瀧瀑松風。曰有明櫻春望。曰落葉日
角隱。鼓瀧泉寺晚鐘。曰功池山秋月。曰有馬富士雪。六

景中以鼓瀧爲最勝。瀧在湯山町南。約中國一里許。高
三十六尺。寬十八尺。水聲淙淙。響振山谷。宛如鳴鼓。故
有此名。七月十五日。余坐石磯之上。臨瀑濯足。飛沫噴
雪。衣袂盡溼。松濤圍主。爲余攝影。令人有羽化登仙之
感。更上數十武。有雙瀑。隱絕壁間。曰夫婦瀧。並稱奇絕
云。

余所居旅館曰二階坊別莊。臨絕澗之上。松聲濤聲。不
絕於耳。酒闌夢醒時。輒疑風雨之驟至也。屋租一室。月
十八圓。膳金在外。溫泉浴人五錢。左近有西式溫泉浴
場。可一人一室。價二十錢。

日本鑛倉漫遊紀事

墨卿

鑛倉名稱與開府。按風土記抄本。(盤余彥天皇平
東夷之時。東夷之被箭死者數萬。積屍如山。今之鑛倉
山是也。鑛倉也。屍藏之訛也。)詞林采葉抄云。(鑛足
氏參詣鹿島之時。宿由井之里。)(今鑛倉之海濱名由
井濱)夜夢以年來所持之鑛。埋於大倉之松岡。因是

名曰鎌倉郡。其附會牽襲多難盡信。古事記景行帝之條下分注足鏡別王出於鎌倉之別祖。可知鎌倉之名由來極古矣。

鎌足氏之後裔染屋太郎太夫時忠爲東八國之紀追捕使居此地。然於正史無見。或土著豪族未可知也。惟此時長谷村（即鎌倉之一區）尙有時忠之邸蹟。及創建之寺院也。其後平將軍貞盛之孫上總介直方居此地。伊豫守賴義任相模守。直方婿焉。設義家而讓鎌倉以爲源家相傳之地也。治承四年賴朝之起兵也。承千葉介平常胤之旨。依安達藤九郎之申勸。遂滅平氏而開幕府於此地焉。

當治承四年九月賴朝在安房之頃。家人常胤以其地既非險要。又無祖先之迹。乃以速移鎌倉之旨勸之。於是十月入鎌倉。初欲在肥谷之舊。以營新亭。嗣以地形狹隘而中止。更相太倉之地。以起工事焉。時富士川合戰之頃也。

後鎌倉時代之史話 元弘三年義貞北條氏亡。百五十年幕府全盛之迹。一時荒涼。人與宮殿禾黍之歎。然尊氏之深慮。義貞西上之後。千壽九（義詮）附其臣細川和氏有鎌倉。以收攬人心。建武中興之後。乞其弟直義守相模。乞征夷大將軍懷良親王鎮鎌倉。而於武藏常陸下總三國自行守護之。尋得志。使義詮居鎌倉。以營東國。是時關東十國之豪族置其邸於鎌倉。是後鎌倉之基也。

正平四年尊氏之二子基氏作東國管領。下鎌倉修大藏谷之故邸。館之執事上杉憲顯。兼上野越後伊豆三國之護守。於鎌倉總全權焉。至基氏之子滿氏。而達於全盛。極驕奢。以其居御所稱我之公方。世亦呼之爲鎌倉將軍。執事上杉氏亦稱管領。應永二十二年滿氏孫持氏剛愎而驕慢。與執事上杉禪秀衝突。敗走小原田。東國雄族盡歸禪秀。京都義持助持氏。二十四年禪秀自殺於鎌倉焉。

正長元年。京都將軍義持之將薨也。持氏襲其後。以兵迫京都。執事憲實諫止之。以故忌憲實。欲殺之。憲實逃白井之居城。將軍義教助之。關東將士亦起而相應。持氏無歸。遂敗於安樂寺。而自殺。於是鑓倉無主。上杉氏行其政。後將持氏之子成氏。迎至京師。及長。知其父泯滅之事。怨上杉氏。殺執事憲忠。上杉氏之臣立房顯。自以越後信濃上野武藏之兵對成氏。成氏接戰。洎據總古河。此時今川範忠等奉京都命東下。乘虛入鑓倉。火其市。自公方御所之殿以及谷七鄉神社佛閣。將士之邸。盡於一炬。元弘以來。足利氏累代財寶舊物皆亡。實康正元年六月十六日。基氏開府五代百零七年也。自是成氏據古河。永留其地。不復還鑓倉。而鑓倉亦成廢墟。不復爲東國之中心矣。

鑓倉之形勢。鑓倉者。雖非如所謂（據四境七口之險。爲天與之城砦）。然義貞初尊氏顯家等。概無不成功於其險要也。雖彈丸地點。而西方遠隔箱根。控足柄

之天險。北臨碓氷。依妙義之難關。加之利根隅田多摩大井天龍富士馬入等諸大河流。錯雜其間。以助形勝。亦不可謂非勝境也。且今者屬於神奈川縣鑓倉郡南端之一部。東西北三面。以山包圍之。而南面由井濱控太平洋。爲一大海水浴場平地。恰如手掌之指。插入山谷溪流之間。東西二里。（日本里下倣之）南北一里。其面積約二里許也。說者曰。鑓倉雖險。而逢敵遠出以擊之。亦多不利。與其謂地理的重要關係。勿甯謂歷史的之爲愈也。誠然哉。三浦氏之鑓倉時代史。有曰。據先祖之遺跡。以立足此他。徐圖東國之經營。開霸府。據關東。以維持武家之特色。洵歷史有價值之地點也。是故鑓倉之地。不僅風光明媚。氣候溫和。卽以歷史觀察。更見其有重要之價值。去今七百餘年前。右大將源賴朝公打滅驕傲之平家。開幕府而握兵馬大權。其後二三百年之間。北條足利上杉等豪雄。爭天下霸權於此處。其間盛衰甚激。屢有戰鬪。至今尙有（依則加馬古拉

之言。爲戰爭之代名詞。撫今思昔。亦可慨然矣。以此之故。而古之都城舊地。戰場遺迹。提供於遊覽者之前。不可勝紀。亦旅行佳地也。

余遊歷之經過 因上述之歷史的地理的等關係。遂喚起吾人遊覽其地之注意焉。八月二十九日上午五鐘早起。盥洗茶點畢。即持手提包一件。於江戶川乘電車至中央停車場。購鎌倉行之汽車票。時值開車時刻。遂倉皇登車。汽笛一聲。車輪輾動矣。出發後。約半鐘餘。至橫濱。(東京至橫濱汽車。余常乘之。故其間之風景。亦隨過眼曇花而去。)由橫濱至鎌倉車站。約三站。而鐵道之建築工程。其大者爲山洞二處。每山洞火車約行十分鐘許。至則下車招東洋車乘之。訪同學黃君開由凌君龍媒之寓。約二十分鐘至焉。黃君等招待甚殷。略備茶湯點心後。遂相偕放遊焉。先至長谷佛寺。寺中有金剛彌陀如來之大坐像。高三丈五尺。周圍十六間。面長八尺許。日本有名三大佛像之一也。(奈良第一。

京都次之。此處又次之。)佛身內爲空洞。可以遊行。中有賴公持護佛及他之佛像等。佛背有大窗。可以觀覽一切。自佛之表面而觀之。其慈善懇摯之形態。使人一望而生敬畏。古人之建築業精巧雄壯。於此可見一斑。猶憶某小說中云。佛之心臟。可以登高望遠。旅行數日不得盡。詔爲奇談。然如此若大佛像。尙居日本第三。按之印度彌陀古像中。當然有此事實也。寺中有賣繪葉書(即表面繪圖之明信片)者。即購數枚。爲遊行之資。遂信步市街。至長谷乘電車處。而遊八幡宮焉。八幡宮者。乃賴朝公之祖先賴義。欲將石清水之八幡。勸設於由井濱之鶴岡。建久二年。今之若宮背後松岡有稻荷社。移於北方之丸山。以其蹟建宮祠。勸設八幡宮焉。職是之故。稱之爲鶴岡八幡宮。宮分爲上宮及下宮。(若宮)祠仁德天皇應德天皇及諸皇妃等。初入處爲石槽作門。右爲若宮。由右牆上昇爲上宮。日人至者。多脫帽示敬。上宮之迴廊。陳列源賴朝及古代之刀。

劍兇甲等。余曾購入場券。親爲觀覽焉。刀劍戈矛。並列其中。種數無慮千萬。而兇甲鐵帽。猶知古人血戰之雄。凡此陳設。於吾國甚少見聞。日人提倡尙武精神。於此亦可概見。於是出門前行。祇見門前鳳尾爭綠。兩旁松柏參天而已。卽緣此處往賴朝之古墓參觀焉。

路經神奈川縣師範學校。此校原設於橫濱。因逢火災。遂於明治二十五年移於此地。其位置殆爲三浦邸址。隔路南臨龜山邸址也。由是前行約十分鐘。卽至賴朝公（正治元年正月薨去）墓所。墓在一土嶺上。拾階而昇。觀古塚纍然。雄風猶存。墓之四周。以石砌之。其左爲島津忠久之墓。忠久者賴朝之庶子也。卒於安貞元年。享年六十。其殘碑石碣。雜於墓旁。而森林陰鬱。蟲鳴唧唧。若助人敖遊之興味。時已下午二鐘許。天甚炎。友人促予歸。遂於山下茅亭。吃飲料水數杯。徒步作反寓之計焉。道中人烟稠密。惟多茅屋竹籬。較之東京。覺有天淵之別。亦可見村落貧苦之象焉。

歸寓就餐後。已三鐘許矣。承黃君等之約。遂於由井濱浴海水焉。此處海之灘狹。水頗有潮。惟友多慣此。且善於泳。余遂學步邯鄲而承其後。浴一鐘許。余於沙上休息。友人亦先後飽泳。遂和唱而歸。書生而漁夫。以滌足於太平洋面者。亦云幸矣。歸寓後。電燈明然。已下午六鐘許。晚餐畢。遂乘遊興。方酣之際。瀏覽長谷晚鐘（此亦鎌倉名所之一）焉。

長谷晚鐘。乃觀音寺之神社。位於由井濱海岸之海光山中。也。此地距吾友黃君之寓甚近。約十分鐘至。該地拾階蜿蜒而上。古寺蒼然。觀音像十一本。尊極大。寺鐘之銘。鐫文永元年。自北條時宗之頃而成之。此鐘與長建寺及圓覺寺之鐘。稱鎌倉三古鐘。其聲音宏亮。一擊遠近皆聞。而知時限之標準矣。此其所爲長谷之晚鐘也。於寺之塔。憑欄遠眺。由井之濱。長谷之市。均集於眼簾焉。可不謂之佳勝哉。遊覽畢。遂歸寓晚餐。友人皆好雙陸之戲。予亦參加焉。談笑嬉譁。不覺時已十一下矣。

於是解衣就寢。不知東方之既白矣。

次早夢覺。已八鐘許。早餐畢。天微雨。雲時天晴。遂偕黃君遊江之島。江之島者。由井濱沿岸海中之小島也。周圍廿町。面積十八町步。余與黃君自長谷乘電車。約半鐘。卽至片瀨（遊江之島者均於此處下車）步行五六分鐘。至海濱。有木架之棧橋。遂渡焉。（按渡此島者昔皆用舟。建保四年正月干汐之時始陸續而築橋焉。）初入山處爲石階。殘破古碧。均作碎石。鋪於道路上。曲彎處有小學校一。再攀援而上。貝類細工之商店。連綿續市。不可勝數。均此島旁海中之特產也。前行爲辨天神社。乃日本三辨天之一。舊稱江島神社。壽永元年賴朝勸設者也。社分爲元社上社下社三段。其上茶屋料理甚多。時鐘已指十二下矣。遂息肩某茶所。茶所均位於島之巖。望海中清濤之水。及島上之森林。不覺神恍。再起前行。貝類屋更多。至島之麓。見有水夫三五。拾蛤殼於海濱水深處。如拾陸上之物焉。經濟學中云。技

精於熟練。觀此則信矣。上下於巖石之壁。過棧橋爲巖窟。以銅元五枚。購入洞券。洞中暗黑。持燭照之。往復約十分鐘許。雖無若大可觀。然出入於山穴深洞。亦可謂之奇險矣。由原路返。買貝類品數種。諸茶所午餐焉。時已下午一鐘半矣。天氣陰霾。遂由山背速歸。及至片瀨（乘電車處）雨已下矣。乘車歸寓後。已下午四鐘。身體大倦。眠睡一鐘許。黃君告予曰。靈仙園風景甚佳。姑散步遊覽焉。於是披服出門。前行約二十分鐘。至山巔。時天尙微雨。然駐足山峯之端。鎌倉全景。由井濱之波濤。大佛之雄偉。均集吾人眼前。登高一呼。高山響應。風景燭然。樂不可支。更上一層。有小亭一。休息其下。旁有碑銘。紀之則漢文碑序也。略云（明治四十二年七月。露國大醫士古佛。偕北里博士遊靈仙山。贊歎此境不置。歸國而沒。故揭石以誌不忘。且以大偉人之遊。而此地愈顯也。豈不樂哉云云。）觀此名山大川。與偉人豪傑。相爲因果。而傳於後世。豈非吾儕旅行之令名也哉。

歸寓後已七鐘許。晚餐畢。卽就寢焉。

次早（三十一號）起時。鐘叮叮六下矣。予卽擲擲遊行之物。略用茶點。偕黃君再遊栗山之香風園。欲從此卽歸東京。諸友人尙殷殷勸余再宿。潭水深情。感謝良多矣。步行至香風園之地點。約半鐘許。香風園者。乃栗山中之一部分也。此園之經營。乃現今日蓮主義最強者。田中智學師爲之。數年前尙禁人縱觀。此刻則開放焉。山路之曲曲。園林之森森。猶其餘事。其最要者。於山頂之上。其形若扇。覽由井濱。一目瞭然。且景致優美。好風留人。飲食店也。溫泉場也。尤能使瀏覽者腹飽神爽。四季花木常開。芬芳撲鼻。香風園之名稱。亦甚得矣。遊覽一過。遂返原路而出。至昭谷坡之中。有溫泉場。遂入而滌洗焉。溫泉場予爲初次入浴。其水色帶清黃。與普通之水有別。浴洗畢。再爲散步遊行。覺神怡心爽。甚矣。天然溫泉有益人之衛生也。聞吾國華山之陽。亦有溫泉。多爲下流社會之人所汙。無整理經營之者。其廢棄

天然之物。而不爲之所也。可不悲哉。時已下午一鐘許。予欲至火車站乘車。黃君猶殷殷不忍別。直送至車站。話談半鐘之久。始判袂而去。握別之情。非余禿筆所能表示。於三鐘三十分。乘車至東京驛。已四鐘半許矣。遂下車。乘電車歸寓。已電燈輝煌矣。

日光遊記

芮城馬鳴驚

日本以島國故。山水幽勝之地特夥。然其所謂最佳絕者。亦較之吾國西湖普陀。似有遜色。惟以其國人之善於修飾與廣告。乃大引游人之感齒。日光者。日人之所謂第一勝境也。據其所述。固不第風景之幽奇佳絕。古代建築之雄大壯美。足以避暑瞻覽。而其動植物學的地理歷史學的及藝術的資料之優秀豐美。實足以代表日本。故履其國者。無不一至其地。游客之跡。四時不絕。而尤以夏時爲最盛。

民國六年七月。學校休課。暑氣逼人。乃偕友入呂君懷西李君墨卿游其地。晨曦初昇。汽笛一鳴。自東京上野

出發矣。夾道碧稻一望千頃。荷蓋片畦。時插秧其間。茅舍竹籬。花木圍繞。田間風味。別饒興趣。將及旁午。遙望古木參天。渺無際限。日光之景色。已漸入眼簾。須臾車止。擇山麓之客舍下榻焉。入舍小憩。即登山作半日游。首覽寺院。購券入門。有巨殿橫前。龐然雄偉者。輪王寺之三佛殿也。內有馬頭千手諸觀音銅佛像。高二丈許。故名。殿傍有銅柱。高聳雲際。築以石垣。環以石柵者。相輪塔也。右轉行數百武。遙望殿閣雄壯美者。乃德川家康氏之廟。其建築之壯麗。爲日本古代第一。有陽明門者。尤著。彫刻繪畫。冠絕一時。然大半自中國印度傳來。刻有孔子顏回周公並四皓三氣八仙四睡及其他琴棋書畫等像。又有種種花蟲鳥獸之透彫。據計工費時價。僅此門值百二十萬圓云。又拜殿內天井有數百格。繪龍形各異。兩壁有著名彫刻物。再轉至大猷院。德川家光氏之廟也。背山而築。升石級數十階。始達正門。夜叉門及拜殿亦極雄麗。右轉又有石級數十數轉至

巔。恍若登天。清涼幽靜。飄飄令人欲仙。社旁有馬道。夾道古杉參天。一望無際。由東照宮延長市中。共合吾國四十餘里。約二萬本。乃二百年前松平正綱氏二十餘年辛苦之所植者也。以時價計之。共值百萬圓云。次至寶物館。陳列各種古物。其樂器中有吾國始樂之祝。與終樂之鼓。均木製。繼出社降山。至所謂神橋者。一橋橫陳。下有激流。經大石浪翻白綠色。與兩岸山光相映。風景奇絕。沿流至一地。曰含滿淵。有七八十座石彌陀像。壘壘長列。兩岸懸崖。狂流通焉。夕陽在山。涼氣襲人。乃與友人臨流而濯。水清且冽。日之夕矣。始相歸寢。室中寂無一蚊。擁厚衾夜午猶寒。真異境也。次日議登山。作中禪寺湖遊。晨曦透窗。起作小餐。乘電車至馬返。距湖尙七里許。步行而登。雖築巨道。蜿蜒如蛇。時有小徑。可縮數倍。乃與友人攀緣而登。橫面羣山聳峙。或則雄偉。或則秀麗。樹木蔥鬱。大石岫嶙。少頃有雨。瀑布橫於眼前。一曰般若。一曰方等。從山腹奔出。懸崖絕壁。中懸兩

布隔溝遙望。上下千仞。鼓力少進。遠見叢林中一龍挺出。若隱若現者。阿巖龍也。又少進。遙聞水聲潺潺。著名之白雲瀑布現焉。循曲徑而深降。至其足。則見岩燕羣飛。巖隙中激流湧現。幅達數丈。寒氣襲人。不可久佇。急循故道而登。又少進。至華巖龍。日光瀑布中之最著者也。不類羣龍。因係中禪寺湖水出口。至此會作一束。下爲百丈絕壁。直流而下。懸數十丈。滴作雪塊。噴爲煙霧。自巔俯視。如巨龍下瞰。洵壯觀也。再進有大湖橫前。環湖皆山者。卽所謂中禪寺湖也。東西約吾國十八里。南北約六里。海拔四千三百七十尺。清如鏡。平如砥。靜若水晶。白帆往來其間。山色湖光。互相映照。風景絕勝。非筆墨所能罄。有橋橫於其上。曰大尻橋。渡橋樓閣聳峙。乃各國遊人避暑旅居之所。沿岸樹林陰翳。曲徑通焉。循道至中宮祠。背山面水。景更幽雅。臨湖少憩。已午後三四時矣。別湖而歸。將及山麓。復轉道覓裏見瀑布。奇木異草。深密無際。中有小徑。穿林而過。前途咫尺不辨。

但聞蟲聲唧唧。伐木丁丁。幾疑誤入迷途。行半時許。始漸光明。一溪橫前。越溪登邱。復折而降。距瀑布僅十餘丈。有茶亭翼然臨於其上。攝衣而登。相距咫尺。此瀑布自斗出之岩石奔出。由茶亭可繞至瀑背。奔流縱於面前。特別壯觀。冷氣襲人。透入骨際。濃霧密集。疑將驟雨。吸茶少憩。循道而歸。時已黃昏矣。復入旅舍。其餘如霧降瀑布。與湯原溫泉等。亦日光名勝之所。尙擬作一二日遊。以他故中止。翌晨九時。卽登汽車而返。至宇都宮下車。參觀宇都宮市宇都宮尋常小學東校。該市八校。此爲第一。教職員三十二人。生徒一千九百人。分二十九級。由校長導引。參觀各教室。圖畫標本及各名所攝影。懸列滿壁。庭外奇花草數十畦。皆生徒手植。標明某年某級生。惜午後無課。未克觀其教授。繼至梶木縣立農學校及農事試驗場。亦值放假。不克觀其授課情形。然此農校專重實驗。固不必授課而始知也。觀其校內有田數百頃。果園蔬圃豆畦。不知其幾千百種也。桃

李桑桑外盛紙蠶。瓜猷綿綿。下敷稻草。嚙嚙蓬蓬者。觸目皆然。旁有農具室。肥料室。蠶室。雨天作物室。一覽知其實際工作。非吾國虛有其名者可比。又有雞棲豚柵。雞豕百餘頭。肥壯碩大。因憶吾國農校。甚至無一動物。廬有科目。尙何論畜壯者哉。出至試驗場。果蔬豆瓜。略如前而更夥。稻田千頃。一望皆碧。每種一畦。前有標誌。約數百種。有教員及實習生數人。值日午。蹣足入泥中理秧。又憶吾國教員。足不履試驗場。僅雇三數農夫種植而已。其勤者臨而視之。焉肯屈尊蹣足入泥中者哉。又溪傍有鴨數十。浮於水面。足徵其農校之精神。非空談而實驗。無怪其農業之發達。與吾國無論何校。依然不脫養士養官之性質者。奚啻霄壤。覽能不禁令人驚歎。慨感也。時已下午四時。急登車返京。比及寓。已九鐘許矣。

箱根熱海遊記

芮城馬鳴鸞

民國七年四月。早大校既告卒業。晉學生經理職。又即

辭去。乃擬作十數日遊。以清臘際。三島以火山伏布。故溫泉甚夥。箱根熱海其最著也。且風景佳絕。值春暮夏初。草木萌發之際。當更有不與四時同者。以予久勞多病之身。吸此新鮮生氣。或有大補。遂於一日下午四時。由東京乘車出發。經大船。桃林。遍野。怒苞初發。萬紫千紅。迷人眼簾。六時抵國府津。海色松濤。別饒興味。改乘電車。行三時許。抵湯本。即箱根山麓也。又步行數百步。抵塔之澤。箱根七著名溫泉地之一也。夜色朦朧。不辨景物。但聞水聲潺潺。已覺別有異境。夜棲環翠樓。即專爲浴溫泉而至之旅客所設者也。內備有溫泉浴室。客用者二。額無男女之別。予卸裝後。即入浴。衣均在室外卸納。男女赤體對立。相視無赧容。三島野蠻淫穢之遺風積習。於此可驗一斑。惟其溫泉之清潔。浴場之設備得宜。誠足令人快爽也。因憶吾國陝西臨潼。亦有極佳之溫泉。予曾一入之。其天然溫水之清絕。或過於日。而圍以清石。上築石洞。其需費尤浩。然其設備。不免令人